

Titel: Standbeeld of Standvastig?
Pastoor: Rick Bornman
Datum: 20 Februarie 2011
Tyd: 09h30



1. Persepsie

1 Kor 13:12

Want nou sien ons deur 'n spieël in 'n raaisel, maar eendag van aangesig tot aangesig. Nou ken ek ten dele, maar eendag sal ek ten volle ken, net soos ek ten volle geken is.

2. Erkenning

Jak 5:16

Bely mekaar julle misdade en bid vir mekaar, sodat julle gesond kan word.

3. Almal sondig

Rom 5:12

Daarom, soos deur een mens die sonde in die wêreld ingekom het en deur die sonde die dood, en **so die dood tot alle mense deurgedring het, omdat almal gesondig het.**

4. Vervorming of Hervorming

- **Kultuur + Evangelie - Kerk = Para-kerk**
- **Kerk + Kultuur – Evangelie = Liberalisme**
- **Evangelie + Kerk – Kultuur = Fundamentalisme**
- **Evangelie + Kerk + Kultuur = Hervorming**

-“Confessions of a reformation rev” Mark Driscoll

5. Redding: Hervorming begin!!

Rom 3:21-24

²¹ Maar nou is die geregtigheid van God geopenbaar sonder die wet, terwyl die wet en die profete daarvan getuig, ²² die geregtigheid naamlik van God deur die geloof in Jesus Christus vir almal en oor almal wat glo, want daar is geen onderskeid nie; ²³ want almal het gesondig en dit ontbreek hulle aan die heerlikheid van God, ²⁴ en hulle word deur sy genade sonder verdienste geregverdig deur die verlossing wat in Christus Jesus is.

6. Vernedering

Jak 4:6-7

⁶ Maar Hy gee groter genade; daarom sê Hy: God weerstaan die hoogmoediges, maar aan die nederiges gee Hy genade. ⁷ Onderwerp julle dan aan God; weerstaan die duiwel, en hy sal van julle wegvlug.

1 Pet 5:5-6

⁵ Net so moet julle, jongeres, aan die oueres onderdanig wees; en wees almal met ootmoed bekleed in onderdanigheid aan mekaar, want God weerstaan die hoogmoediges, maar aan die nederiges gee Hy genade. ⁶ Verneder julle dan onder die kragtige hand van God, sodat Hy julle kan verhoog op die regte tyd.

7. Verlossings Proses

Jak 5:7-9

⁷ Wees dan geduldig, broeders, tot op die wederkoms van die Here. Kyk, die landbouer wag op die kostelike vrug van die aarde en het geduld daarmee totdat dit die vroeë en die laat reën ontvang het. ⁸ Julle moet ook geduldig wees; versterk julle harte, want die wederkoms van die Here is naby. ⁹ Moenie teen mekaar sug nie, broeders, sodat julle nie veroordeel word nie. Kyk, die Regter staan voor die deur.

8. Verwagting

Efes 5:25-27

²⁵ Manne, julle moet jul eie vroue liefhê, soos Christus ook die gemeente liefgehad en Homself daarvoor oorgegee het ²⁶ om dit te heilig, nadat Hy dit gereinig het met die waterbad deur die woord, ²⁷ sodat Hy die gemeente voor Hom kon stel, verheerlik, sonder vlek of rimpel of iets dergeliks; maar dat dit heilig en sonder gebrek sou wees.

Luk 18:13

En die tollenaar het ver weg gestaan en wou selfs nie sy oë na die hemel ophef nie, maar het op sy bors geslaan en gesê: o God, wees my, sondaar, genadig.

9. Vordering

2 Kor 10:4-5

⁴ want die wapens van ons stryd is nie vleeslik nie, maar kragtig deur God om vestings neer te werp, ⁵ terwyl ons planne verbreek en elke skans wat opgewerp word teen die kennis van God, en elke gedagte gevange neem tot die gehoorsaamheid aan Christus.

Fill 3:7-12

⁷ Maar wat vir my wins was, dit het ek om Christus wil skade geag. ⁸ Ja waarlik, ek ag ook alles skade om die uitnemendheid van die kennis van Christus Jesus, my Here, ter wille van wie ek alles prysgegee het en as drek beskou, om Christus as wins te verkry ⁹ en in Hom gevind te word, nie met my geregtigheid wat uit die wet is nie, maar met dié wat deur die geloof in Christus is, die geregtigheid wat uit God is deur die geloof; ¹⁰ sodat ek Hom kan ken en die krag van sy opstanding en die gemeenskap aan sy lyde terwyl ek aan sy dood gelykvormig word, ¹¹ of ek miskien die opstanding uit die dode kan bereik. ¹² Nie dat ek dit al verkry het of al volmaak is nie, maar ek jaag daarna of ek dit ook kan gryp, omdat ek ook deur Christus Jesus gegryp is.

10. Christus ons Verwagting

Efes 3:14-21

¹⁴ Om hierdie rede buig ek my knieë voor die Vader van onse Here Jesus Christus, ¹⁵ van wie elke geslag in die hemele en op die aarde sy naam ontvang, ¹⁶ dat Hy aan julle mag gee na die rykdom van sy heerlikheid om met krag versterk te word deur sy Gees in die innerlike mens, ¹⁷ sodat Christus deur die geloof in julle harte kan woon, julle wat in die liefde gewortel en gegrond is, ¹⁸ en julle in staat kan wees om saam met al die heiliges ten volle te begryp wat die breedte en lengte en diepte en hoogte is, ¹⁹ en die liefde van Christus te ken wat die kennis oortref, sodat julle vervul kan word tot al die volheid van God. ²⁰ En aan Hom wat mag het om te doen ver bo alles wat ons bid of dink, volgens die krag wat in ons werk, ²¹ aan Hom die heerlikheid in die gemeente in Christus Jesus deur alle geslagte tot in ewigheid! Amen.